



Na osnovu člana 38. Statuta Općine Hadžići („Službene novine Kantona Sarajevo“, broj: 15/09), člana 3. Odluke o kriterijima, načinu i postupku raspodjele sredstava iz granta za projekte mladih koji se finansiraju i sufinansiraju sredstvima budžeta Općine Hadžići broj: 11-14-5-4246/2019 od 29.05.2019. godine, načelnik Općine Hadžići raspisuje:

JAVNI POZIV

Za raspodjelu sredstava iz Budžeta Općine Hadžići za finansiranje i sufinansiranje projekata mladih u 2020. godini.

I

Raspisuje se Javni poziv za prikupljanje prijava za finansiranje i sufinansiranje projekata mladih u 2020. godini.

II

Pravo učešća imaju: omladinska udruženja sa sjedištem na području Općine Hadžići, udruženja/fondacije/institucije koje rade sa mladima i imaju sjedište na području Općine Hadžići te neformalne grupe mladih (uz administrativnu podršku udruženja sa sjedištem na području Općine Hadžići).

III

Aplikanti podnose prijavu sa dokumentacijom na Javni poziv Komisiji za dodjelu grantova za mlade (u daljem tekstu Komisija), a putem Službe kabineta Općinskog načelnika.

Prijava sadrži:

a) Za udruženja, fondacije i institucije:

- popunjen prijavni obrazac - prijedlog projekta, kojim udruženje/fondacija/institucija aplicira za dodjelu sredstava, s jasnom definicijom ciljeva, ciljne grupe, očekivanim rezultatima, aktivnostima, detaljnom specifikacijom troškova, vremenskim planom provođenja aktivnosti, načinom praćenja realizacije projekta,
- rješenje o registraciji (ovjerena kopija),
- uvjerenje o poreznoj registraciji (ovjerena kopija),
- transakcijski račun (kopija ugovora s bankom ili potvrda banke),
- potvrda Sportskog saveza Kantona Sarajevo o upisu u matičnu evidenciju sportskih organizacija (potvrda se odnosi na sportska udruženja),
- za projekte koji se provode u školama dostaviti pisanu saglasnost direktora škole.

b) za neformalne grupe:

- popunjen prijavni obrazac - prijedlog projekta, kojim grupa aplicira za dodjelu sredstava, s jasnom definicijom ciljeva, ciljne grupe, očekivanim rezultatima, aktivnostima, detaljnom specifikacijom troškova, vremenskim planom provođenja aktivnosti, načinom praćenja realizacije projekta,
- rješenje o registraciji (ovjerena kopija) omladinske ili neke druge organizacije koja daje administrativnu podršku sa sjedištem na području općine Hadžići,
- kraće biografije članova neformalne grupe,
- transakcijski račun udruženja koje daje administrativnu podršku sa sjedištem na području općine Hadžići (kopija ugovora s bankom ili potvrda banke),
- kratak opis grupe sa podacima o prethodno realizovanim projektima i kvalifikaciji kadrova koji implementiraju projekat (odgovorne osobe, saradnici, volonteri),
- potvrda Sportskog saveza Kantona Sarajevo o upisu u matičnu evidenciju sportskih organizacija (potvrda se odnosi na sportska udruženja koja daju podršku neformalnoj grupi),
- za projekte koji se provode u školama dostaviti pisanu saglasnost direktora škole.

IV

Kriteriji za ocjenu podnesenih prijava su navedeni u Odluci o kriterijima, načinu i postupku raspodjele sredstava iz granta za projekte mladih koji se finansiraju i sufinansiraju sredstvima budžeta Općine Hadžići (u daljem tekstu Odluka).

a) Pozitivni kriteriji

- da se projekat odnosi na sve kategorije mladih općine Hadžići i da će se provesti na njenom području;
- da je jasno definirana ciljna grupa i da obuhvaća veći broj korisnika usluga s jednakom kvalitetom isporuke;
- da su očekivani rezultati mjerljivi, realni i ostvarivi;
- da je projekat održiv, odnosno da se ciljevi i rezultati mogu nastaviti i u budućnosti;
- da angažira ili ima kao ciljnu grupu marginalizirane grupe (npr., osobe s onesposobljenjem, nacionalne manjine, socijalno ugrožene grupe itd.)
- da kao fokus ima postizanje rezultata, kojim se rješava problem naveden u „Strategiji za mlade Općine Hadžići“;
- da mladi provode sve aktivnosti ili dio njih;
- da je u realizaciju projekta uključeno više partnera, odnosno više organizacija;
- da li je aplikant redovan korisnik budžetskih sredstava ili ne;
- da je budžet realan i u skladu s aktivnostima.

b) Eliminatorski kriteriji

- projekat nije dostavljen u naznačenom roku;
- nije ispoštovana procedura za pisanje projekta, odnosno prijavi obrazac nije u potpunosti popunjen ili nedostaju ključne informacije o projektu;
- nedostaju formalni uvjeti za kandidiranje projekta (nepotpuna ili netačna dokumentacija);
- sve aktivnosti se događaju van općine Hadžići;
- projektom se podržava rad političke stranke;
- projekt ne promovira rad s mladima, politiku prema mladima i volonterizam.

Komisija će utvrditi da li su zadovoljeni uslovi iz Javnog poziva i Odluke, te će nakon provedenog postupka dostaviti općinskom načelniku prijedlog odluke o raspodjeli sredstava.

V

Prijave na Javni poziv podnose se u zatvorenoj koverti sa naznakom »NE OTVARAJ« - prijava na javni poziv za raspodjelu sredstava iz Budžeta Općine Hadžići za finansiranje i sufinansiranje projekata mladih u 2020. godini, na protokol Općine Hadžići lično ili putem pošte na adresu: Općina Hadžići, Služba kabineta Općinskog načelnika, Komisija za odabir projekata za mlade, ulica Hadželi br. 114, 71240 Hadžići, sa naznakom podataka o podnosiocu zahtjeva (naziv, adresa, telefon i dr.).

VI

Rok za podnošenje prijava po ovom Javnom pozivu je **10 dana** od dana objavljivanja na web stranici Općine Hadžići www.hadzici.ba i oglasnoj ploči Općine Hadžići. Prijavni obrazac sa pratećom dokumentacijom može se preuzeti **isključivo putem web stranice** Općine Hadžići www.hadzici.ba. Nepotpune i neblagovremene prijave neće se uzimati u razmatranje.

Broj: 11-11-3-6398/2020
Hadžići, 31.08.2020. godine

Po ovlaštenju Općinskog načelnika
03/3-34-4-4729/15 od 28.05.2015

Izet Koro, pomoćnik načelnika

